

清季四家詞

清季四家詞

樵風樂府卷二

高密鄭文焯叔問

玉燭新小春海棠

夢窗詞手稿有是題丁香結一解江南冬煥春卉再
花而海棠益淒麗可玩因依夢窗題格賦之

冰綃和淚浣又夢喚春回繞花千轉鳳窠織就同心錦肯爲
傷秋腸斷嬌霞半面趁醉夜珠簾重捲催冷豔還照珍叢愁
凝蠟盤紅短依依睡起西闌怪海國狂塵舊芳都換倚寒
翠袖應自惜鏡裏過時勻染移春小檻問月地雲階誰見休
再覓顛嫁東風妝成恨晚

法曲獻仙音靈巖覽古次韻夢窗

妝濯池花步鳴廊葉晚色蒼涼僧院亂石牛羊古臺麋鹿江
楓黯愁霜點近水市菱歌起吳聲鎮哀怨 曠懷遠問鴟夷
載春何處怊悵地一徑舊香恨染箭引越來谿射晴波秋練
如翦廢柳殘蟬替宮魂歌舞腸斷算繁華成沼故國青山還
見

八聲甘州 琴臺據吳故宮離城之上舊志所謂高可見
三百里洵登覽之逸地也余與半塘老人西
崦迴舟從木瀆步上絕頂高誦君特秋與雲
平之句一時豪槩陵轅今古因乘興更作天
平之游時已暮色蒼然共和吳詞相與徘徊
而不能去

盪巖霏弄晚點荒寒漁燈兩三星歎風流殘霸湖山靈氣空
塋傾城一鏡吳波變沼花雨洗蠻腥片石興亡恨玉軫無聲
惟有西江明月照故宮殘夢梧葉催醒奈登臨愁眼還向
此山青更誰吹烏棲哀調喚暮鴻煙際落蘆汀餘情寄白雲
題句連步天平

湘月天平山白雲亭酌泉晚眺欲尋遠公石屋不果歸
路看紅葉泊鷺飛浜作

亂峯喚客引幽筇蘚步飛上空翠舊賞林亭更暝踏到地秋
聲紅碎裂壁通樵崩厓辟鳥風谷鏗環佩斜陽屏畫舞楓欲
共天醉別有石竈松煙半均雲乳瀉連筒珠綴滴盡吳根
怕化作一掬滄波殘淚巖迹臺荒湖光鏡冷秋思生高袂靈

局何許雨花夾磴飄墜

天香石濤和尚爲勝國楚藩之裔以詩畫逃禪高逸絕

世海鹽陳氏藏其所製鼻煙壺以西藏貝多樹子爲之上有程松門刻小象并壺銘余愛其樸栗古致爲賦一解乞得此壺亦香國中鼻功德也

薰亞金絲香參玉壟沈沈冷麝如水故國茄花王孫芳草盡
化海山雲氣半囊晡藹空悟破枯禪一指休問壺天日月銷
磨苾芻身世拈來信多妙諦貯烟煴寫經餘事歎息百年
碩果等閒匏繫萬感都成蠟味

西洋人名盛煙瓶曰蠟

但愁惹西來暗

塵起更倦殘熏生酸老淚

蘭陵王舊社老友張兄子苾薄宦秦中勿勿十年以癸

吳雲夢墓天卯三月歿於大荔今墓有宿草已其室人曾氏
季碩才豔有詩名蚤卒吳下同入爲之卜塋於
橫山傷心之極致欲歌其事輒哀斷不能聲茲
誦研生中實兩使君輓詞皆和清真此闕觸緒
悲來感音而作不自知其涕之何從也

斷腸直春夢池塘自碧吳箋恨零落舊題別後湖山總無色
淒涼戀故國同識蜉蝣過客低徊處春樹暮雲江鯉沉沉素
書尺南游共萍迹記載雪連橈吟月移席一官直等嗟來
食愁萬里蓬轉十年匏繫長安飄泊似傳驛但魂繞關北
哀惻歲時積歎蜀錦江空秦鏡塵寂瑤華玉匣傷心極怕腹
痛迴軫感音鄰笛招魂何處淚萬點當酒滴

念奴嬌 甲辰仲夏半塘老人過江訪舊重會吳皋感遇

成歌以致言歎不足之意

小山叢桂問淹留何意空歌招隱自見淮南佳客散雞犬都
霑仙分碧海三塵白雲孤抱不羨靈飛景仙才誰惜世間空
舐丹鼎我亦大鶴天邊數峯危嘯一覺松風枕三十六鷗
盟未遠獨立滄江秋影詞賦哀時湖山送老吟望吳楓冷梅
根重醉舊狂清事能領

鷓鴣天 余與半塘老人有西嶼小鄰之約人事好乖高

言在昔款然良對感述前游時復悽絕

據楊連吟數往年夜窗櫺馬警秋眠可憐燕市尊前月又共
吳雲夢裏天回首處一潸然小山招隱有新篇淮南幾樹

留人桂縱得攀援不得仙

秋老山橋虎氣沈
霜風呼酒舊登臨
梵鐘出樹巖扉迴
漁火通波雨塢深
連糴路五湖心
別來三見冷楓吟
白雲定識非生客
莫枉芝崦鶴夢尋

諫草焚餘老更狂
西臺痛哭恨茫茫
秋江波冷容鷗迹
故國天空到雁行
詩夢短酒悲長
青山白髮又殊鄉
江南自古傷心地
未信多才累庾郎

浣溪紗 甲辰中秋後二日晚晴放舟石湖觀越城橋下

串月明日將從胥口探桂山中不預此遊蓋五年

矣

谿上曾聞渡越兵
亂流猶似怒蛙鳴
蒲風杉雨戰秋聲
梧

夢只今真故苑菱歌依舊繞離城長橋人散月孤明
花豔連橈度鏡光滿湖絲管水飛香月明何恨預興亡莫
攬清歌悲小海更催秋夢落橫塘波空塔影自淒涼
煙夕涼波起白蘋蕩紅落粉盡歌塵依稀山黛可憐顰一
舸誰尋蝦菜路千絲空羨鱸殘鱗無多秋事屬閒人
夜午看山舊寺樓別來巖桂五經秋好花涼月醉扶頭
水又平橋畔路幾人曾預鏡中遊山陽殘笛更吹愁
聽水聽謠醉夢閒秋衣零露夜忘還拍浮人與白鷗閒餘
興好探花裏市舊情不斷枕邊山半篷風色過梅灣
舊泊橫橋花覆船酒燈人語隔湖煙紅簫腸斷十年前經
醉谿山如此夜後逢花月奈何天漫吟秋扇黯淒漣

鷓鴣天胥口是范蠡從入五湖處秋夕覽古有懷

雲物淒清秋滿湖遺愁夢落故宮梧西江終古無情碧送了
鴟夷便沼吳煙草迴水禽呼越谿寒雨戰菰蒲扁舟賺得
西施去枉費良金寫作圖

高陽臺伯弢見過將尋鄧尉看梅之約余病未能勿勿
別去念其白門寥落賦以寄懷

燈市星闌橋濱雪老傷春倦賦登臨舊燕重逢十年猶自巢
林渡江柳眼青如許見故人江上愁心感前塵珠箔寒飄鏡
縷頽侵東風又綠離憂草記捐芳楚佩題淚吳襟夢冷銅
駝可憐人事俱沈五湖未了扁舟興怕亂愁還比花深掩圍
扉行藥歸來一枕春陰

鷓鴣天

細語檐禽破曉霏竹聲涼翠夢先知酒醒一枕紅蘭淚染取
蠻箋賸寫詩幽事淺世情稀閒花飛盡見高枝一春雨橫
風狂過綠徧池塘無是非

清平樂

舊寒如水波織簾花碎小雨櫻桃紅漲地猶是去年天氣
貪眠笑比吳蠶東風醒醉長兼判卻一春怊悵爲誰腸斷江
南

二郎神和湘綺翁西安北苑題壁

夕陽舊苑又過客曼歌離黍想雲近仙居昏昏龍氣空鎖千
門榜署漫說長安堪西笑儘夢逐京塵飛去嗟殿柳燕歸宮

槐蟬斷暗聞鈴語 前度畫輪移雉玉堦班
驚看地轉天迴 終南古黛不減西山翠
嫵漢月懸秋秦雲媚晚銷得楚狂題
句但暗憶彩筆曾干氣象白頭非故

一萼紅春餘夏始園卉向殘檐果垂熟綠陰如夢舊雨
不來卽事和白石此解以寓興

晚簾陰又韶紅換景闌藥已抽簪芳援疏籬珍叢疊架天似
殘醉沈沈乍過雨櫻桃爛熟欸好語檐際下幽禽舊賞林亭
俊遊羣屐呼酒誰臨 還念庾郎顛顚託臨江故宅倦賦愁
心萍迹鷗輕松巢鶴老塵外吟景堪尋待新句琅玕遍刻有
清籟相和冷敲金寫入谿山畫圖閉戶雲深

滿江紅乙巳之秋誅茅吳小城東新營所住激流植援

曠若江村歲晚悽寒流離世故有感老杜卜居
之作聊復勞者歌其事云

竹隔橋南有竹裏人家小葺依約似浣花門徑數椽幽僻居
近梅家西市隱補吟桂樹東城植念歲寒何意老江村今非
昔懷舊隱三高宅空遐慕五噫客歎百年枯苑一般陳迹
歸燕猶尋斜日壘閒鷗且占滄波席待到門春漲櫂歌來漁
榔集

法曲獻仙音園居春盡病起聞雨述懷

詩骨裁花酒香行藥徑曲蒼苔埋步暗燭吹煙冷篝銷雪愔
愔小晚寒簾戶甚夢也和天瘦空堦夜還雨悄吟緒古吳
根小城一角牆柳外依約遠山黛嫵絮捲陌塵飛放東風鶯

燕無主故國樓臺映滄波空牘歌舞怕雕闌都換更倚傷春
高處

鷓鴣天

水竹依稀濠上園蒼煙五畝絕塵喧半牀落葉書連屋一雨
飄花船到門寒事早戀清尊狸奴長伴夜氈溫老來睡味
甜於蜜爛嚼梅花是夢痕

西子妝慢

吳小城

越絕書城周十二里高四丈七尺門三皆有樓吳地
記引虞覽家記云吳小城白門闔閭所作秦始皇時
守宮吏燭燕窟失火燒宮而門樓尙存是知小城卽
吳宮之禁門又謂之舊子城曆漢唐宋以爲郡治舊

有齊雲觀風二樓并在子城上爲郡僚賓讌之所見
之唐賢歌詠獨多明初惟餘南門頽垣上置官鼓司
更郡志載今自乘魚橋至金姆橋而東高岡迤邐是
其遺址城四面舊皆水道卽子城濠所謂錦帆涇也
其東尙有故蹟號爲濠股今余之所經構證以圖經
此間乃兼有其勝五畝之居刻意林谷旣擁小城聊
當一丘涇之水又資園挽可以釣遊不出戶庭而山
澤之性適豈必登姑蘇望五湖始足發思古之幽情
耶分題賦此因并及之

山送月來水漂花出一片吳墟焦土坡陀衰草下牛羊鎮蒼
涼廢譙沈鼓青蕪漫賦歎殘霸都傾一顧話遺塵有故宮歸

燕傷心高處 登臨阻玉檻瑤梯夢斷香屨步只餘秋色過
牆來做愁顰岫眉當戶霜笳暗度恁吹徹觚棱無主賸荒丘
夜夜啼烏更苦

念奴嬌錦帆涇

一濠賸綠有當年西子凌波塵影分得香谿三尺玉曾試春
風宮錦仙步翩鴻艷歌浮鷁轉燭空明鏡漂花暮水繞城猶
作荒哽 休問金姆橋邊滄波故苑遊鹿苔蹊冷越網千絲
腸共斷輸與菱娃煙艇疏蓼棲霜衰荷戰雨門外秋光迴漁
磯分席隔籬時喚清飲

小重山令雨落春閒竹窗散帙見彊村翁和紫霞舊詞

清興難同年事易盡記去年樵風圍聽雨正